

لوحدهك مش هتقدر | الدرس (10) بالمدينة | #عمرة_التربية_3

| د. حازم شومان

حازم شومان

طبعاً يا اخواني بسم الله والصلاة والسلام على رسول الله ان الحمد لله وكفى صلاة وسلاماً على عباده الذين اصطفى. اما بعد فطبعاً احنا يعني الدرس ببداً وده من آآ يعني من الحاجات الجميلة في العمرة. تحت - 00:00:00

موسيقى تصويرية رائعة وصوت المعالق والسكاكين والاشواك والاكل وهو بيتحط في الاطباق فده طبعاً يعني ايه اه ودكتور ابراهيم ابو سليمة سابنا وراح قعد في المطعم مش عارف بيعمل ايه - 00:00:30

يعني احنا بس بنظمن يعني بنشيك يعني. يعني من اكتر الايات اللي شدتني النهاردة بصراحة واحنا بنقرأ جزاك الله خيراً انت راجل محترم والله يا اخي جزاك الله خير مسابقة الجائزة الاولانية فيها تفاحة يا اخواني. لا ده فعلاً فيه سبحانه الله انا كنت فعلاً عايز اعمل آآ - 00:00:45

آآ يعني حاجات كده اشوف بس الناس وصلت لايه. ولكن دي هتبقى النهاية بازن الله سبحانه وتعالى في نهاية الكلمة. آآ عايزين نتعود على نظام بازن الله سبحانه وتعالى سواء مع اخوانا او - 00:01:13

واخواتنا وربنا يبارك فيهم وربنا يحفظكم جميعاً يا رب. ان احنا الدرس هيبدأ اربعة ونص بازن الله سبحانه وتعالى. الدرس هيبقى يعني لو شفافه نص ساعة بازن الله سبحانه وتعالى ثلاثين دقيقة. عشان كده انا نفسي ببقى فيه بس ساعة جنبنا عشان ابقى بس عارف الوقت. عشان ببقى يعني الموضوع محكوم وقتياً بازن الله سبحانه وتعالى - 00:01:23

والمفروض ان العمرة قائمة على احنا بادئين النهاردة خمسة الا عشرة فالمفروض ان احنا بازن الله سبحانه وتعالى نخلص خمسة وتلت. بازن الله سبحانه وتعالى. ولكن طبعاً بيبقى فيه بقى ايه آآ يعني حاجات ادارية. آآ حبشكتكات ادارية كده - 00:01:44

افه بتاخذ ايه؟ بتاخذ لها كمان عشر دقائق مسلاً ربع ساعة. آآ آآ ان شاء الله بازن الله بحيس ان اللي عايز يروح الحرم من بدري قبل العصر يروح. اللي عايز آآ - 00:02:06

يريح شوية لو كان مواصل من قيام الليل ما نامش مسلاً قبل الظهر يريح شوية اللي يعني ايه بحيس ان الدنيا بيبقى فيها سعة بازن الله سبحانه وتعالى. آآ قال تعالى - 00:02:16

واذ قالت الملائكة يا مريم ان الله ايه؟ ايه يا دكتور ابراهيم اصطفاك وايه؟ وطهرتك واصطفاك. ايه الفرق بين اصطفاك الاولانية واصطفاك الثانية؟ ايه الفرق بين الاصطفاء الاول وبين الاصطفاء الثاني؟ واللي - 00:02:26

منهم كلمة التطوير الاصطفاء الاول ده يا جماعة زي احنا الوقت اما جينا عمرة كده ان الله اصطفاكنا ان نصحب بعضنا ان الله اصطفاكنا ان نعبد في الحرمين بازن الله سبحانه وتعالى ان الله اصطفاكنا ان نسمع عنه ولكن يا اخواني اللي هيستسمر الاصطفاء الاول وهيخوض معركة وطهرتك - 00:02:42

بقي يعبد صح. يتطهر صح. يجاهد ان قلبه يتغير. يجاهد ان قلبه يتصلح. يجاهد. مش بيبقى ماشي مع يعني الايه بيسموها مشي مع الستريم وخلص ماشي مع الايه؟ ماشي مع التيار وخلص لآ اللي هيجاهد يعني احنا كنا قاعدين الوقتي من الظهر للعصر بنصلي في المكان بتاع التجمع تحت - 00:03:02

الله في الحرم المدني. في ناس كانت ماسكة المصاحف وقاعدة تصلي. فيه ناس ماسكة المصاحف من غير صلاة. فيه ناس نامت. فيه

ناس آآ اتكلمت. فيه ناس يبقي الهمم مختلفة. مين بقى - 00:03:22

اللي بعد الاصطفاء الاول هيجاهد. اللي هيجاهد بعد الاصطفاء الاول هياخد الاصطفاء الثاني وهو واصطفاك على نساء العالمين. هياخد الاصطفاء الخاص بقى يعني ممكن ربنا سبحانه وتعالى يستعمله في عبادات لم يكن يتخيل انه هيستعمل فيها بعد العمرة. ممكن ترجع من العمرة تلاقي قيام الليل ده لوحده عدت بتصحى اصلا. ممكن - 00:03:32

ترجع بعد العمرة تلاقي في معاني في قلبك لم تكن تحس بها من قبل. ممكن ترجع بعد العمرة. تلاقي ربنا هادي لك نفسك. ما عدش فيها كبر. ما عدش فيها نظر لنعم ربنا على الآخرين. ما عدش فيها استشراف وطبعا - 00:03:52

الدنيا ما عدش فيها ما عدش فيها الامراض الصعبة واسل سخيمة ايه؟ صدري. فاحنا يا جماعة حلمنا في هذه العمرة الاصطفاء الثاني. حلمنا وانا بقرأ النهاردة قول الله سبحانه وتعالى لما سيدنا ابراهيم بيقول لربنا رب ارني كيف تحيي الموتى علو همة يا اخواني. رب ارني انا عايز اشوف يا رب انا عايز اشوف ابراهيم قبلها بايتين - 00:04:05

كان واقف قدام النمرود بيقول له ان الله ياتي بالشمس من المشرق فيا نائل ها فانت بها من ايه؟ من المغرب. فسيدنا ابراهيم بهذا اليقين واقف بيقول آآ بلى ولكن ليطمئن - 00:04:25

قلبي يا رب هو كل ده ابراهيم قلبك ما تطمئنش. ده انت وقفت قدام النمرود الملك الجبار ما اتعزز فيك شعرة واحدة. ولكن ابراهيم يا جماعة بيطمح لمقامات عالية جدا. فين الطموح الايماني؟ احنا جايين هنا عشان يتزرع جوة قلوبنا الطموح الايماني. انت لو ما لكش هدف في علاقتك بالله سبحانه وتعالى - 00:04:40

خلاص انت حر. عشان كده ربنا فرق ما بين ثلاث انواع من البشر في الحديث القدسي. من من تقرب الي ايه يا بشمهندس؟ شبرا نوم تقرب الي يا دكتور موفق - 00:05:00

ذراعا ومن اتاني ايه؟ يمشي يبقى في دول ثلاث انواع من اقبال البشر على الله. من تقرب الي شبرا او جه عمرة جه خطوة قرب بها من ربنا عمرة ورجع لترتيب الدنيا تاني. رجع بعثها للدنيا زي ما جه تاني. وقرب شبر. وربنا ادى له تقربت منه ذراعا. ولكن هو اقباله على - 00:05:10

تأدي شبر خطوة وبعد كده الدنيا شغلته تاني عن ربنا. فيه اقبال اعلى من تقرب الي ايه؟ ذراعا ده قعد سنة بقى. ده قعد سنتين مصمم ان هو يحضر دروس - 00:05:30

بالجو الايماني ويسمع شرائط ايمانية ويعمل اعمال خير. ويشوف اسرة فقيرة يكفلها. وتبدأ تحفز قرآن ولكن شوية وقام جاي صفة دنيوية والدنيا مليان عواصف يا اخواني. التخرج عاصفة دخول الجيش عاصفة - 00:05:40

الجواز عاصفة. الشغل الدنيوي لو كان شغل يبعد الواحد عن بيئة الدين والايمان. عاصفة العواصف مرض ابتلاء اي عاصفة شغلته تاني عن ربنا. وبعد كده الدرجة الثالثة من الاقبال ومن اتاني يمشي يمشي ده استمرار بقى. يعني ده واحد ما بينقطعش عن علاقته بالله. ده - 00:05:56

واحد مستمر مستمر في الاتصال ببيت الايمان. ان شاء الله يا جماعة عمرة التربية اربعة امتى؟ ها؟ سبعة اتنين ان شاء الله نعلن واحنا ماشيين عن عمرة التربية اربعة بازن الله. مسلا سبعة اتنين الفين - 00:06:16

وستاشر ان ربنا اذن تزيد او تقل مسلا آآ اسبوعين مسلا بازن الله. انا ناوي من الوقتي حتى لو ما عشتش لها انا ابقى انتم بتعتمروا السنة الجاية وانا واخذ - 00:06:26

ثواب هذا العمل. يبقى اذا يا جماعة اذان يمشي ده درجة عالية. من تقرب الي شبرا تقربت منه ذراعا. ذراع فتح ومدد من الله تقرب مني ذراعا تقربت منه باعا باع فتح ومدد من الله. وان اتاني يمشي اتيته ايه؟ هرولة. طب في واحد بيأتي لا يهرول - 00:06:36

في واحد يهرول في علاقته بربنا فيه. طب ربنا ما قالوش في الحديس القدسي ليه ليه؟ لاني نادر ان حد يعمل كده. نادر ان حد يبقى اقباله على الله كده. عشان كده ربنا قال لابراهيم لما قال له ولكن ليطمئن قلبي يا رب انا عايز اشوف عملية - 00:06:56

احياء الموتى بعنيا. يا رب انا عايز اوصل ليقين ابقى يقين كامل ما فيش فيه اي زرة غيب. قال فخذ اربعة من الطير سرهن اليك.

اجعل على كل جبل منهم جزءا. تخيل الطريق اللي احنا - [00:07:11](#)

رحناه من مكة للمدينة ده. تخيل انك انت تطلع جبل جبل تحط على الجبل ده جناح طير. وعلى الجبل الثاني من ارطير وعلى الجبل الثالث رجل طير الجبل الرابع ريش طير. وعلى الجبل الخامس امعاء طير. وعلى الجبل مجهود قاتل. مجهود جبار. اجعل على كل جبل منهم جزءا. ثم - [00:07:25](#)

ادعهم يأتينك سعيًا. الله اكبر. انا من الحاجات اللي بتذهل في الاية المجهود القاتل اللي سيدنا ابراهيم بذله عشان اية يا جماعة ابراهيم بزل كل ده عشان يشوف اية. عشان الايمان يزيد في قلبه. عشان يقرب من ربنا خطوة. احنا عايزين الشعور ده يجي جوانا. شعور سيدنا يوسف اللي قعد عشرة - [00:07:45](#)

سنين في السجن عشان مقام ايماني واحد. ارجع الى ربك. شعور عزيز اللي قعد ميت سنة من عمره. بل لبثت مائة عام عشان في الآخر يوصل لاعلم ان الله على كل شيء ايه؟ قدير. يبقى ان احنا بندق عمرنا عشان ربنا يفتح لسيدنا داوود. كان يسبح على رؤوس - [00:08:05](#)

الجبال من الفجر الى الغروب. ربنا خلاه ملك. وهو عنده واحد وتلاتين سنة ملك جمع بين النبو والملك وهو عنده واحد وتلاتين سنة. ومجاهد وربنا اقام على ايده امبراطورية عظمى للدين وللإسلام. عشان - [00:08:25](#)

عبادة ربنا عشان اخلص. انت كل ساعة بتقضيها في العبادة. انت كل ساعة بتقضيها بتجاهدي قلبك فيها. لازم تعرف ان ربنا هيفتح عليك فتح بسببها عايزين يبقى عندنا فكر العبادة يا اخواني. عايزين يبقى عندنا فكر العبادة. فكر ان احنا جايين نعبدك يا رب. فكر ان اعظم سبب للفتح في الحياة - [00:08:40](#)

هو الاخلاص في عبادة الله. والمجاهدة في عبادة الله. عشان كده يعني من الايات اللي اثرت فيها النهاردة في ال عمران قول الله سبحانه وتعالى الصابرين و الصادقين ويا استاز محمد رياض - [00:09:00](#)

ايه والقانتين جميل جدا ها الدكتور ابراهيم و المنفقين والمستغفرين بالاسحار. الصابرين والصادقين ده جهد النهار. بعد كده القانتين والمنفقين والمستغفرين بالاسحار. ده جهد الليل الصابر اللي مواصل الطريق مهما حصل. اللي مستمر على طريق الله مهما حصل. امال الصادق؟ الصادق هو الذي ما خير بين الله وشيئ الا - [00:09:13](#)

الله. لو اي حاجة شغلته عن عبادة ربنا لا يختار اي شيء عن الله. احنا فينا ناس يا جماعة بتسيب قيام الليل عشان اكلة. احنا فينا ناس ممكن عشان آآ يعني آآ يروح يتفرج على حاجات في مول او تروح تتفرج على مشتريات في مول. ممكن تضيع عبادة يوم كامل. الصادق - [00:09:38](#)

هو اللي ما فيش حاجة بتخرجه عن خط سيره ابدًا. في علاقته بالله سبحانه وتعالى. عشان كده عايزين نتعلم علو الهمة. عايزين نيجي هنا نتعلم علو الهمة في الوصول الى الله - [00:09:58](#)

سبحانه وتعالى مع كل مرة ذكر فيها السعي جه فيها الفتح. لما ذكر السعي دكتور محمد عبدالرحمن فين؟ لما ذكر السعي مع ابن ام مكتوم في صورة عبس واما من جاءك ايه - [00:10:08](#)

يسعى ربنا لما سعى على دينه اما من جاءك يسعى وهو يخشى سعى على دينه. اتحرك عشان دينه. ربنا نزل جبريل من فوق سبع سماوات عشانه عشان المهم مكتوب بصورة عبس. وعاتب حبيب الله فيه. عاتب حبيب الله فيه ليه؟ لانه بيسعى على دينه. يا جماعة الناس كلها بتسعى على دنيتها - [00:10:20](#)

مين اللي بيسعى على دينه؟ الناس مش مصدقة ان فيه حد بيسعى على دينه. ان فيه حد بيضحى بالدنيا عشان الدين. عشان كده من الاحداث اللي زلزلت من الاحداث اللي كانت السبب في اسلام عمر بن الخطاب هجرة الحبشة. ليه؟ عادي جدا ان انت اخوك يقول انا مهاجر كندا. عادي جدا ان انت تلاقي - [00:10:40](#)

واحد جارك مهاجر استراليا عادي جدا. والناس كلها تقول له ما شاء الله! انما فيه واحد بيهاجر عشان ربنا! فيه واحد بيسيب وطنه ويتغرب ويسيب اهله ويسيب دينه عشان ربنا ما بتحصلش ده يا جماعة. فلما المشركين شافوا الصحابة بيهاجروا عشان ربنا.

المشركين ذهولاً. هو فيه ناس الدين عندها غالي زي ما - 00:11:00

الدنيا غالية علينا كده بالزبط. سيدنا عمر ابن الخطاب حصل زلزال في قلبه بسبب الموضوع ده. وده كان بداية الاسلام الفل سيدنا

عمر ابن الخطاب. لما لقي ان في ناس مستعدة تضحي عشان - 00:11:20

بالمنظر ده الانسان اللي دينه فيه يا جماعة مننا واحد دينه شيء مهم في حياته. وفي واحد مننا دينه هو رقم واحد واحد في حياته. وفي واحد مننا دينه هو القضية الاولى في حياته. انت دينك بيمسك بالنسبة لك ايه؟ انت علاقتك بالله سبحانه وتعالى بتمسك بالنسبة

لك ايه - 00:11:30

وشوقها يا رسول الله. وشوقاه يا حبيب الله حسيت وانا داخل المسجد النبوي اول مرة اول ما جينا الوقتي حسيت بكلمة سيدنا ابو

بكر الصديق وهو بيموت. لما قال لهم كان بيموت بالليل متى ليلا رضي الله عنه؟ فبيقول لهم - 00:11:50

ان انا مت الليلة فادفنوني. اوعوا تستنوا للصبح. اوعوا ادفنوني بالليل. فان هو عارف انه هيتدفن جنب النبي عليه الصلاة والسلام.

فان خير ليلة ابيتها بجوار رسول الله صلى الله عليه وسلم. انا ماشي في المسجد رايح الفندق كده وانا قاعد استشعر ياه. يعني انا

الوقتني نايم كده - 00:12:04

جنب النبي عليه الصلاة والسلام. ايه يا جماعة؟ ايه الالف؟ ايه يا جماعة النعمة اللي ربنا من بها على الصحابة دي يا اخوانا؟ انه رايح

ينام جار النبي ان جاره النبي عليه الصلاة والسلام - 00:12:24

ان من اكتر الحاجات اللي بكت الواحد قدام قبر النبي عليه الصلاة والسلام. وانا قاعد افكر كده يعني كل واحد من الصحابة نافق

حنظلة حنظلة لما حس ان عنده مشكلة في قلبه جري على النبي عليه الصلاة والسلام. انا قاعد افكر يا رب احنا هنجري على مين؟

احنا هنجري على مين؟ قاعد افكر والنبي واخذ سيدنا عمر في ايه - 00:12:34

ماسك ايد في ايده وماشي في الشارع. يعني موقف عاطفي رهيب والنبي ماسك في ايد عمر. يا رب مين هيمسك في ايدينا؟ احنا

احنا يعني عاملين زي يتامى يا جماعة. قاعد ابص لقبر النبي عليه الصلاة والسلام. اقول المكان ده. الاحداس العظيمة اللي خرجت منه

لا يتخيلها انسان. قاعد افكر والنبي بيموت في المكان - 00:12:54

ده وببيكشف الستارة والصحابة واقفين في الروضة. الروضة دي مكان المسجد القديم اصلا. يعني ده المسجد القديم. والنبي

والصحابة كلهم واقفين في الروضة يصلوا. والنبي بيبصوا لهم تبسم احساس رهيب يا جماعة. احنا في مكان مفعم بالمشاعر. احنا في

مكان تلتهب القلوب فيه من المشاعر. احنا في مكان يفكر - 00:13:14

بكل حاجة فيه بتشوقك للنبي عليه الصلاة والسلام من اكتر الحاجات اللي هز قلب الواحد هنا قد ايه الدين احتاج مجهود عشان

الدين يقوم. عشان المدينة المنورة تبقى مركز الاسلام في العالم. عشان المدينة المنورة في خلال خمسة وعشرين سنة بعد موت النبي

عليه الصلاة والسلام - 00:13:34

نصف الكرة الارضية يرتفع عليها الاذان. نصف الكرة الارضية يدين لحكم الاسلام. الموضوع ده كان وراه مجهود ايه يا جماعة؟ كان

وراه تعب قد ايه قرارات المصيرية اللي النبي عليه الصلاة والسلام خدها عشان دين الله يقوم. من اخطر القرارات القرار بتاع جولة

الصفاء. انه في وسط الناس مكان جبل الصفا ده - 00:13:51

عامل بالظبط في مكة زي ميدان التحرير في مصر. مكان في غاية الاستراتيجية. لو حاجة حصلت في مكة كلها تتقلب. انما عشان

كده النبي عليه الصلاة والسلام لما دخل مكة في الفتوحات خلى التقاء الجيوش الاربعة اللي طوأ مكة عند جبل الصفا. المكان اللي

شتم فيه. المكان اللي اني فيه. المكان اللي بدأت الدعوة منه - 00:14:11

عليه الصلاة والسلام. النبي يطلع على جبل الصفا ويصرخ في الناس وينادي ويجهر بالدعوة تمن طلعة النبي على جبل الصفا كان ان

خباب اتكوى بالنار. طلعت النبي عليه الصلاة والسلام عن جبل الصفا كان تمنها ان سمية اتقتلت. ليه؟ لان خلاص الدين جهر به. واهل

الباطل لا يتحملوا ان يجهر بالدين - 00:14:31

والنبي كان عارف عليه الصلاة والسلام ان التمن غالي بس لازم يتدفع يا جماعة. مين يدفع تمن ان الدين يوصل للناس؟ مين يدفع تمن

ان الدين يوصل؟ يعني جا لي آآ - 00:14:51

رسالة من شاب روسي في سجن في روسيا كنا عملنا مع جمعية تبليغ الاسلام مشروع لتوصيل الكتب عن الاسلام مترجمة في العالم كله فمن ضمن اللغات اللي كنا بنبعثها بفضل الله كانت اللغة الروسية - 00:15:01

بفضل الله سبحانه وتعالى فاتبعنا حاجات لسجن من سكون روسيا فشاب اسلم. فكتب حوالي عشر صفحات كده فلوس كام؟ ها بخط صغير جدا كتب المشاعر بتاعته والاحتياج اللي هو محتاج لنا فيه. اللي يقرا الجواب يا جماعة واللي يبص في بعض معانيه قلبه يتقطع. قلبه يتقطع - 00:15:15

الناس محتاجانا قد ايه؟ الناس محتاجة انها تسمع منا عن ربنا سبحانه وتعالى قد ايه؟ احد اخواني ممن اعرفه والله يا اخوان، انا عارف يعني هذا الاقوى من المنصورة - 00:15:35

اسلم على ايده واحد صيني واحد صيني هو مسافر الصين اسلم على ايده وواحد صيني بالرسم بيقول لي ركبت الطائرة ركب جنبي عنده هم انه يدعو الى الله بيقول قمت راسم له شوية خضرة كده في البتاع. يعني بدأ يكلمه تحب مكان زي ده وبعد كده شوية نار. آآ تخاف من مكان زي ده. المهم في الاخر بعد ما قعد يكلمه - 00:15:45

الصور والرزق قام كاتب له عنوان المسجد هناك اللي هو لما هيروح يصلي هيصلي فيه. بيقول رحت وشفت مصالحي بيقول رجعت على المسجد بعدها بفترة لقيته ما شاء الله اسلم وملتحي وبيقول منزر تاني خالص. اللي عنده هم على دينه هيتعب عشان دينه يا جماعة. قرار ان النبي طلع على جبل الصفا بسبب - 00:16:05

اتعزبوا بسببه الصحابة الصحابييات اتطلقم. بسببه فيه صحابة اتطردوا من مكة. بسببه فيه صحابة اتقتلوا. ولكن ده كان تمن القرار الثاني الرهيب اللي النبي عليه الصلاة والسلام خده في مكة قرار هجرة الحبشة. ان هو الناس بتهاجر عشان الدنيا. انما حد هاجر عشان الدين هو ده بيحصل؟ هو فيه - 00:16:25

في ناس دينها غالي عندها للدرجة ديت زي ما باقول لكم عمر بن الخطاب من اسباب اسلامه هجرة الحبشة. النبي عليه الصلاة والسلام عليه الصلاة والسلام المجهود اللي بذله عشان الدين ده - 00:16:45

المجهود اللي بزلوه عشان نجح احنا النهاردة في المسجد النبوي وفي قمة الامن والامان قاعدين نعبد ربنا. والدنيا ونتكلم الناس كلها عن الدين. وتلاقي واحد بليز معدي ووراك واحد باكستاني وواحد بن غالي جاي وواحد من طاجيكستان طالع معك في الاسانسير وواحد اوروبي مقابلك وانت ماشي - 00:16:55

وواحد الدين ده قام ازاى؟ المجهود الرهيب اللي النبي عليه الصلاة والسلام بذله عشان الدين ده يقوم. لو احنا خرجنا من المدينة المنورة واحنا مش عارفين النبي عليه الصلاة والسلام يبقى احنا خسرنا كتير اوي. واحنا قاعدين في جواره وما احناش عارفينه. وما احناش عارفين النبي عليه الصلاة والسلام عمل عشان هذا الدين ايه. وما احناش متعلمين - 00:17:15

من صفاته وانا واقف قدام قبر النبي عليه الصلاة والسلام عايز اتخيل كده فجأة فجأة اتشالت خديجة من الصورة يعني انت تخيل انت بتصور صورة مع مراتك حبيبته التمانية حبايب قلبك ونور عينيك يعني حاجة يا جماعة صعبة احساس صعب. ان النبي عليه الصلاة والسلام كل شوية خديجة اتشالت - 00:17:35

ابو طالب اتشال. حمزة اتشال. جعفر اتشال. سبعة من اولاده دفنهم بايديه وهو لسة عايش. وهو مواصل بقمة العزيمة وجهده لنصرة الدين في اخر ساعات في حياته لا يقل عن جهده لنصرة الدين وهو لسة في عز قوته وفي عز صحته. ان في انسان بزل هذا الجهد عشان ربنا - 00:17:55

وتعالى. بذل هذا الجهد عشان هذا الدين. يبقى لو انت جيت المدينة وما تحطش قلبك في فيشة الكهرباء. خط صدمات كهربائية تجاه نذرة دين الله يبقى انت ما فهمتش انت جيت هنا ليه؟ يبقى انت ما استوعبتش انت جيت هنا ليه؟ يبقى للأسف الشديد يا جماعة احنا كمسلمين يعني مش - 00:18:15

قادرين ان احنا يعني نستوعب زي كنت بتكلم مع دكتور احمد سعد في التدبر في خلق الله من شوية فكنت بقول له ما فيش حد

ببمسك الايباد الا ويفتكر على طول مين - 00:18:35

سيف جوبز على طول. ما فيش حد ببمسك على طول لينك على طول. احنا بنبص للشمس والقمر. ما فيش حد ببفتكر ربنا. رغم ان

ديت ابداعات الله في الكون. ما فيش حد - 00:18:46

افتكر ربنا. يا اخوانا هذه يعني دلالات خطيرة جدا. المجهود اللي النبي عليه الصلاة والسلام عمله عشان دين ربنا عشان رسالة الاسلام يا اللي عايزة تبقي مع النبي في الجنة. يا اللي عايز تبقى مع النبي في الجنة. انا مش متخيل النبي عليه الصلاة والسلام ما كانش

ببسيب واحد ينزل مكة وافد الا وتكلموه في الدين. لدرجة انه - 00:18:56

هم كانوا بيوقفوا ناس على مداخل مكة. لما دخل الطفيل ابن عمرو الدوزي قالوا له في واحد ساحر اسمه محمد. لو كلمك هيسحرك. الراجل حط القطن في ودخل يطوف في الكعبة. عشان خايف انه يسمع هذا الساحر. وبعد كده قال طب ما انا راجل عاقل. طب ما

اسمع وانا خايف من ايه؟ فلما سمع اسلم طفيلي ابن عمرو - 00:19:16

يعني رضي الله عنه من عظماء الصحابة. واحد اسمه الاعشى داخل قالوا له الحق. محمد ابن عبدالله هنا قالوا له ده قال لهم ده انا

جاي اسلم على ايد محمد اصلا. عشان - 00:19:36

كبير في جزيرة العرب. قالوا له اما علمت انه يحرم الخمر؟ يا نهار اسود خمر! هعيش من غير خمر ازاى؟ قال له طب امري لله خمر

خمر. قالوا له طب اما علمت انه يحرم - 00:19:46

فالراجل ما قدرش يستحمل خمر وزنا كمان فقال لهم خلاص ارجع واعود له العام القابل. فمات قبل ان يأتي العام القابل. النبي عليه الصلاة والسلام كان بيلف في منى يا جماعة؟ انا نفسي نستوعب معنى الكلام ده ايه؟ انت متخيل لما تلاقي واحد قاعد يجري ما بين

الناس الوقتي ويكلم ده ويكلم ده ويكلم ده يطوف على - 00:19:56

القيام في منى لدرجة ان المشركين شافوا تسعتاشر مدخل لمنى. وقفوا على كل مدخل قوة اه اه يعني ايه؟ يعني زي قوت امن

مركزي كده ما حدش يدخل الا ويحزروه من النبي عليه الصلاة والسلام. وفي وسط الخيام ابو لهب بيجري ورا النبي عليه الصلاة

والسلام. احد الصحابة كان لسة على الشرك بيقول رأيت رسول - 00:20:16

الله صلى الله عليه وسلم يطوف بين الخيام في منى وهو يقول من يؤويني حتى ابليغ كلام ربي. فان قريشا منعني ان ابليغ كلام ربي ووراءه رجل تقض وجنتاه له غدirtان. وهو يقول لا تصدقوه انه كذاب. وهو يقذفه بالحجارة. حتى ادمى قدميه وساقيه -

00:20:36

ابي لحد ما رجلين النبي عليه الصلاة والسلام نزل في الدم. ورسول الله صلى الله عليه وسلم لا يلتفت. لا يلتفت. النبي عليه الصلاة

والسلام بعد عام الحزن ادرك ان مكة مش هي البلد اللي هتشيل الاسلام - 00:20:56

ان لا يمكن مكة تكون البلد اللي الاسلام هيفتح العلم من خلالها. وقرر انه ينتشر في الجزيرة العربية. يدور على بلد تشيل الدين. راح لقبيلة كندة في اقصى الجنوب. وطلع على قبيلة بني كلب في اقصى الشمال. وراح لقبيلة بني حنيفة في اقصى الشرق. راحت طائف

دعا ستة وعشرين قبيلة في - 00:21:06

وما فيش اي حد عايز يستجيب. النبي عليه الصلاة والسلام بذل مجهود قاتل من اجل نشر الدعوة الى الله. هي الدعوات بتقوم

بالساهر يا جماعة. هو الدين بيقوم هو الاسلام انتشر في الكرة الارضية كده كلام كده وخلاص ولا انتشر لان النبي عليه الصلاة والسلام

كان عنده عزيمة جبارة نقلها للصحابة واحنا ماشيين - 00:21:26

في المدينة لازم واحنا بنعرف النبي عليه الصلاة والسلام نعرف الصحابة يا اخوانا. نعرف الصحابة النبي فضل يربي ويبذل مجهود في

التربية قاتل. لما الواحد بيبدأ يقعد مع اخ ويتكلم معه في مشكلة. بعد كده الشاب ده بعد يومين تلاقي عنده معصية. معصية سر تبدأ

شهر عما تبدأ تتعلم. بعد كده الشاب ده - 00:21:46

ضعفاء في القيام. تقعد معه شهر ثاني. اما بيبدأ يقوم الليل. بعد كده الشاب ده عنده مشاكل اسرية. تقعد معه سنة سنتين عما تتحل.

بعد كده اما اقعد افكر النبي عليه الصلاة والسلام عشان يربي الصحابة دول كلهم. النبي عمل ايه؟ عليه الصلاة والسلام كان مجهود

قاتل ازاى؟ اول سنة في الدعوة - 00:22:06

النبي عليه الصلاة والسلام ما باتش في بيته. ما نمش في بيته اول سنة. اللي هي السنة اول سنة في دار الارقم. كان بينام مع

الصحابة. عليه الصلاة والسلام. كان بيسهر مع الصحابة في قيام الليل. عشان - 00:22:24

كده طلع في الآخر صحابي اتضرب بالسهام وهو بيصلي قيام الليل وبيحرس الجيش شال السهم وقال لولا انقطاع لولا آآ لولا انقطاع

روحي آآ لولا ان يعني يكشف الجيش لانه كان بيحرص. لا انقطاع روحي احب الي من ان - 00:22:34

نقطع هذه الصورة عشان يطلع واحد كان بيقرأ سورة الكهف اللي كتير مننا يوم الجمعة ممكن هو بيقرأها مش حاسس بها. كان بيقرأ

سيدنا عباس ان بشر سورة الكهف بيقول ان - 00:22:54

تروحي تخلع احب لي من ان انا اسيب السورة دي. مش قادر. دي اغلى عندي من روحي. اغلى عندي من حياتي. احنا جايين هنا

نتناسب هذه المعاني سيدنا عباد ابن بشر من الانصار اللي مشيوا في المدينة المنورة. اللي احنا جايين نتنسم عبق بطولاتهم ونتعلم

منهم يا جماعة. المدينة المنورة دي بلد البطولة - 00:23:04

العالم ما فيش مدينة في الكرة الارضية. خرجت الابطال اللي خرجتهم المدينة المنورة في التاريخ البشري. ما فيش. يقول لك نابليون

ده نابليون بو نابرت ده بيجي ايه في خالد ابن الوليد؟ ده هو كان بيقول قدوتي في الحياة خالد ابن الوليد. جورج واشنطن اللي

مسميين واشنطن - 00:23:24

تنظر على اسمه جورج واشنطن يقول لك ده باللبان وامريكا ومات مسجون عشان ديون امريكا. ده بيجي ايه في ابو بكر الصديق

اللي طلع ما له اربع مرات؟ عشان دي - 00:23:44

الله! بيجوا ايه فيهم! يقول لك قوات المارينز الامريكية بيجوا ايه! في الجيش الاسلامي في اليمامة اللي ابو دوجانة رمى

نفسه من على باب الحصن عملية استشهادية اتقتل فيها عشان يفتح باب الحصن من جوة. وفيه اربعين الف مشرك جوة الحديقة.

اربعين الف مشرك - 00:23:54

رمى نفسه من باب الحصن وبعدها البراءة ان ملك رمى نفسه بعده هو اللي فاتح باب الحزن. واتقتل ابو دجانة رضي الله عنه. فهذه

العملية بيجوا ايه؟ يا اخوانا المدينة المنورة دي اللي خرجت - 00:24:14

كل دول ما فيش بلد في الكرة الارضية خرجت كمية الابطال والفاتحين عبر التاريخ اللي خرجتهم المدينة المنورة عايزين نعرف احنا

في مكان مهول. المكان اللي حصل فيه اعظم عملية تربية في التاريخ. المكان اللي المفروض احنا لما ندرس النماذج دي نعرف احنا

مطلوب مننا ايه - 00:24:24

مطلوب مننا ايه؟ النبي عليه الصلاة والسلام خرج صحابي حبيب ابن زيد راح لمسيلمة الكذاب عشان يدعوه حبيب ابن زيد رضي الله

عنه مسيلمة قام فتح ابواب القصر بتاعه منادي كل قومه قام من المرتدين اللي تبعوه وقال لحبيب ابن زايد اتشهد ان محمدا رسول

الله؟ قال اشهد قال له اتشهد اني رسول الله؟ قال لا اسمع - 00:24:44

اتريق عليه مش سامع سامع تقيل. صوتك مش عالي. علي صوتك. مسيلمة الكذاب اتجنن. جاب السياف بتاعه خلاه يقطع في جسم

حبيب ابن زائدة حنة لحد ما قطع تلت جسده وكل ما يقول له اتشهد اني رسول الله يقول له لا اسمع. لا اسمع في الآخر السياف رحمه

وطعنه في قلبه فقتله - 00:25:05

رضي الله عنه حبيب ابن زيد مدينة منورة خرجت اعظم ابطال في التاريخ. خرجت صحابي يعني زي سيدينا حرامي ابن ملحان

تطعن بحربة في ظهره رضي الله عنه. يطعن بحبه في ظهره. وهو يتكلم عن الله. يقعد ينثر الدم. ياخذ الدم اللي متفجر من قلبه

وصدره وبطنه - 00:25:25

ويقعد ينفر الدم على جسمه ويقول فزت ورب الكعبة. اللي قتله اسلم ما تخيلش ان واحد يتقتل ما يبصش وراه اصلا ولا يشوف مين

اللي قتله. كأن واحد جوة سجنه ولقى حنة من جدار السجن اتفتحت. هو هيبص مين اللي كسرهما؟ طلع يجري على طول على الاخرة

- 00:25:45

خلص من سجن الدنيا. فزت ورب الكعبة. جايين هنا نتعلم اليقين ده. جايين هنا نتعلم يقين خباب لما كان يتحط عليه السيف المولع على راسه. يصعد الدخان ويسقط مغشيا عليه. جايين هنا نتعلم يقين سيدنا ضرار في غزوة اليمامة لما قطع رجله في القتال. وهو بيعالج في خيمة المرضى سمع هجوم - 00:26:01

من جيش مسيلمة على المسلمين. قال وانت في الدنيا المسلمين يتهم عليهم وانا في الدنيا. زحف وفضل يقاتل زحف لحد ما قتل. في غزوة اليمامة جايين هنا يا اخوانا نتعلم يقين الصحابة. جايين هنا نتعلم جهد النبي عليه الصلاة والسلام. نتعلم المجهود الرهيب اللي النبي عليه الصلاة والسلام بذله - 00:26:21

في التربية بذلوا في الدعوة بذلوا مع اهل بيته مع زوجاته. لو النبي كان بينام في شعب ابي طالب ما كانتش خديجة بنت خويلد بهت واحدة من اربعة كملوا في تاريخ البشرية. لو النبي كان نام بعد ما رجع من غزوة تبوك وعنده اتنين وستين سنة. عليه الصلاة والسلام قاطع الف وخمسميت كيلو في القتال في سبيل الله - 00:26:41

ما كانتش عائشة روت ربع احاديث الشريعة بعده. لو كان النبي عليه الصلاة والسلام نام بعد غزوة الاحزاب ما كانتش الحسن والحسين بقوا سيدة شباب اهل الجنة. النبي كان بيقال - 00:27:01

برة بيته وبيقاتل جوة بيته من اجل نشر الدين ومن اجل نشر الهداية. يا جماعة احنا جايين هنا نتعلم البطولة. كل نفس في المدينة دي انفاص اصحاب النبي عليه الصلاة والسلام. كل شبر في المدينة بيشهد ببطولة من بطولات اصحاب النبي عليه الصلاة والسلام.

بطولة من بطولات صحابييات النبي عليه الصلاة والسلام - 00:27:11

سلام عشان كده وشوقاي رسول الله مش عايزين الشوق بتاع حبيبي يا رسول الله. جميل قوي انك تقف قدام قبره وتقول وحشتني يا رسول الله جميل قوي انك تقف قدام قبره وتشوف واحد باكستاني بيبص وعينه حنفيتين دموع نازلة وانت قلبك مولع ومتوهج من الشوق للنبي عليه الصلاة والسلام - 00:27:31

ولكن اللي اجمل منه انك انت تبقى نسخة من النبي عليه الصلاة والسلام عارفين يا جماعة الرسوم المسيئة للنبي عليه الصلاة والسلام ها اترسمت فين دي في الدنمارك انتم عارفين ان احنا الرسوم المسيئة للنبي عليه الصلاة والسلام. الرسوم المسيئة للنبي مش اللي رسمها الغرب بايديه في الجرايد بتاعته. احنا الرسوم المسيئة للنبي عليه - 00:27:52

الصلاة والسلام. احنا اللي بعدنا عن منهج النبي وعن جهد النبي وعن اخلاق النبي عليه الصلاة والسلام. بقينا بندي انطباع مش ايجابي عن الدين. عشان كده لو عرفنا النبي عليه الصلاة والسلام قلوبنا هتدوب من حبه. عايزين نتعلم علو الهمة زي ما قلت لكم هي اه اه ان شاء الله بازن الله نص ساعة. يعني احنا دلوقتي بنتحرك في اه اربع - 00:28:13

دقائق اللي باقي لنا او خمس دقائق اللي باقي لنا بازن الله سبحانه وتعالى. عايز اقول ايه قبل ما اسيبكم؟ عايز اقول ان احنا جايين عمر التربية. يعني ايه جايين عمر التربية؟ يعني جايين نترى يا جماعة - 00:28:33

يعني جايين نتغير يعني ايه تربية يعني؟ تربية يعني خالد ابن الوليد جه قبل ما ينزل للجهاد اترى على ايد النبي عليه الصلاة والسلام نزل مؤتة كسر في ايده تسع سيوف وايده ما اتكسرتش. اهو ده اللي اشتغل للدين بعد ما اترى. في حين ان النبي لما فتح مكة خد معه - 00:28:43

الفين واحد من مشركي قريش ولسه مسلمين بقى لهم ايام. وخدمهم في حنين. اول ما شافوا السهام طلوعوا يجروا وسابوا المعركة. يبقى طلوعوا يجروا وسابوا المعركة. الصوت مش واضح وراء - 00:29:03

طلوعوا يجروا وسابوا المعركة وده اخر المايك. طلوعوا يجروا وسابوا المعركة يعني النبي عليه الصلاة والسلام اللي اترى قبل ما يشتغل للدين غير اللي ما اترى قبل ما يشتغل للدين. يبقى يا جماعة لو احنا اتريننا صح. لو احنا اتعلمنا صح. احنا في مكة والمدينة. مكة دي اول بيعة ايمان سيدنا ادم اقامها - 00:29:17

الناس تترى فيها عشان يحارب جهد ابليس في افساد الناس فيها. فاحنا لازم نفهم يعني ايه تربية ولازم نفهم الرسالة اللي احنا جايين عشانها ولازم اخواتنا افهموا كويس جدا. المجهود اللي مطلوب منهم في الدعوة. المجهود اللي مطلوب منهم في العبادة هنا.

المجهود اللي مطلوب منهم في الطاعة هنا. لازم يا اخواننا - [00:29:37](#)

اتشحن ايماننا باذن الله. الوقتي آآ يعني فيه حاجتين. الحاجة الاولانية ان انا آآ يعني فضله منة الله. امبارح احنا قمنا الليل في الصف في الاول في المسجد النبوي فضل منة الله. يعني في التلات اربع صفوف الاولانية. والمنزر كان مشرف بفضل ومنة الله. صحينا اه معزم الناس. فيه ناس بالتأكد ما صحتش معه - [00:29:58](#)

في ناس بالتأكد ما صحتش معنا. بفضل الله سبحانه وتعالى كان آآ يعني عزيمة جميلة جدا. النهاردة ان شاء الله باذن الله نصحي الناس تاني باذن الله وكل يوم وما فيش حد مسؤول تصحية. يعني انا باذن الله اول ما باصحي زي برضو قبل الظهر كده بنقوم لافين على الناس كلها في الخمس ايه؟ في في الاربع - [00:30:18](#)

الاربع تدوار اللي هم نازلين فوق خمس تدوار اللي نازلين فيهم لازم يكون عندنا عزيمة على مسألة قيام الليل التلات ساعات اللي قبل الفجر باذن الله. جلسة الضحى قعدناها جنب بعض - [00:30:38](#)

بعد كده كلنا طلعلنا مع بعض سلمنا على النبي عليه الصلاة والسلام. قبل ما آآ يعني نرجع الفندق. آآ من الظهر للعصر. قعدنا في المسجد النبوي في المكان اللي تحت المظلة - [00:30:48](#)

بفضل ومنة الله يعني اللي صلى واللي قرأ قرآن عايزين يا اخواني يبقى فيه آآ مصاحبة لبعض. انا بلا حظ ان بعض اخوانا واخذ جنب ومجتهد. يعني بلاقي واحد مسلا جاي انا - [00:30:58](#)

كنت في الروضة ما شاء الله حبيب قلبي ماشي انت دلوقتي يعني الروضة حاجة عظيمة ما حدش يقدر ينكر. وحاجة جميلة. ولكن يا حبيبي انت عايز تفضل طول عمرك لوحدك! يا اخواننا بصوا حواليكم كده - [00:31:13](#)

كمية فضل ومنة الله الناس اللي مقبلة على الله في هذه العمرة. واخواننا اللي فضلوا منة الله موجودين في العمرة. ممكن ما تعرفش تجيب جمع زي ده تاني. مضحي كل واحد دفع كذا الف جنيهه عشان يتربى وعشان يوصل لربنا. يا اخوانا - [00:31:27](#)

انت لو خرجت بشحن ايماني في العمرة اول ما تروح ممكن مشكلة او مشكلتين من مشاكل الدنيا ويروح الشحن تاني. خلاص وترجع تقول اه لو عمرة تاني والواحد يسخن احنا عايزين نخرج بصحة - [00:31:42](#)

انما احنا عايزين نخرج بصحة يا جماعة. عايزين كل واحد مننا يتعرف على كل اخوانه. ما فيش حاجة اسمها خلاص خليفها كده ما خلاص لسه دقيقتين. ما فيش حاجة اسمها ان آآ ان انا لا لا انا هاوظف وقتي في العبادة. هتوزف وقتك في العبادة بس. هترجع بلدك - [00:31:55](#)

تلاقي نفسك لوحدك. ما فيش حد يتصل بك. ما فيش حد ياخذ بايديك. انت لما بتبزل ساعة من وقتك او ساعتين وسط الصحبة انت بتبني لنفسك مستقبل بعد كده. يا جماعة لازم نفهم بقية الايمان. عشان كده ربنا بيقول واذا قالت الملائكة يا مريم ان الله ايه؟ ها اصطفاك واياه - [00:32:15](#)

وطهر قواه اصطفاك على نساء العالمين. يا مريم اقنطي لربك مفرد ولا جمع؟ مفرد واسجدي مفرد ولا جمع؟ مفرد واركعي مع الراكعين. يبقى انت ممكن تكون عارف تعبد ربنا لوحدك. ولكن اوعى تنسى اركعي مع - [00:32:35](#)

راكعين به. اوعى تظن مهما كان علو همتك في العبادة انك مستغني عن صحبة ايمان برصيصة سبعين سنة عبد الله. اللي عايز قلبه يقف افتح تفسير القرطبي في تفسير سورة الحشر. في قول الله فكان عاقبتهم انهما في النار خالدين فيها. في زلزلة واحدة هو - [00:32:52](#)

ابليس سبعين سنة يعبد الله واخر يوم في حياته مات كافر. سجن لابليس. اخر يوم ليه؟ لانه هو ما كانش راضي يصبر على صحبة واحد ممكن عشان يروحوا يقوموا الليل مع بعض. اخرني تلات دقايق. ممكن عشان يروحوا يصحيه مسلا لصلاة الظهر. اخرني خمس دقايق - [00:33:12](#)

قلبي ده امن قومي لحياتك. ان يبقى لك صحبة تفتطروا مع بعض. تتغدوا مع بعض. وتصلوا قيام ليل مع بعض. وتقعدها جلسة ضحى مع بعض. وتصلوا من الظهر للعصر في المسجد النبوي - [00:33:32](#)

مطلق مع بعض عايزين نعرف قيمة بيئتي لمن ما حدش كبير على انه يضيع بسبب ترك الصحبة. يعني مش بقول لك بورصيصة اللي عمل سبعين سنة ابن ابي ربيعة من اصحاب النبي عليه الصلاة والسلام. اللي النبي كان بيدعي لهم في صحيح البخاري. اللهم انج عياش ابن ابي ربيعة. لانه اسر في مكة قصة عياش عياش هاجر - [00:33:44](#)

وابو جهل راح بنفسه ورجع عياش وقال له امك هتموت وتعال بس واسيها وارجع ثاني. ولما رجع فتن في دينه. ولما عاد الى مكة فتن في دينه حتى لما سيدنا عمر بقى بعت له قل يا عبادي الذين اسرفوا على انفسهم وتاب الى الله بعدها. ولكن صحابي صحابي وفتن عن - [00:34:04](#)

هجرة لما بعد عن بقية الايمان. ما فيش حد كبير على انه يبعد عن بيت الايمان. ما فيش حد ما فيش حد مستغني عن الصحبة. اتعرفوا على بعض يا جماعة - [00:34:24](#)

اتعرفوا على بعض. لازم فكر لازم يبقى عندنا فكرين في العمرة دي. شريطين قطر. الفكر الاولاني وده للاخوة والاخوات. وده للنساء والرجال وللنساء قبل الرجال للرجال قبل النساء. الفكر الاولاني فكر ايه - [00:34:34](#)

فكر العبادة والفكر الثاني فكر ايه ؟ فكر التعارف. الفكرة الاولانية فكرة يا دكتور ابراهيم؟ العبادة والفكر الثاني ايه يا بشمهندس علي؟ التعارف العبادة والتعارف. هم دول الحاجتين اللي نقضي الليل والنهار فيهما في العشر تيام اللي ربنا - [00:34:47](#)

يا جماعة نفياهم مع بعض. العبادة والتعارف. عشان ان شاء الله بازن الله لما ترجع بعد العمرة تلاقي واقع ديني مستنيك. تلاقي صحبة مستنيك تلاقي ناس مستعدة تضحي بنفسها عشان انت ما يضعش عليك فجر. عشان انت ما تقعش في الدين وفي الالتزام -

[00:35:03](#)

[00:35:23](#) العبادة والتعارف -